

## PUITÁTA

Unni  
quann'è ca ti viru  
ca ti sientu... se ll'ali ti fingi r'aternu stisi a li cela  
se u munnu  
tirrenu tirrenu  
rà parti rô cori  
ppi ttia ...arma...è sthranu ?

Ora - se ti piaci - ri l'uocci rê manu  
affàcciti  
e ttaliellu ssu fuddhittu  
cumu sciùscia  
comu frisca ammienzu ê fraschi  
e u surrùscu  
vampanigghia cciù lluntanu  
comu cància  
niuru-rrussu supr'ê casi  
ca si ùncia e pprestu ciovi  
scrùsciu  
ntô tettu e ntâ vithrata  
ca ni vagna  
rà filazza r'unni trasi...bbellu !... na bburascata !

E-cciovi... e-tthراسي  
a cina rìnthr'ò piettu  
e u cori - aruci aruci - si cci annija  
ntâ 'n cuncùni ri paroli sthrammi  
ca ni lava  
a vucca e nti la menti  
ccâ rrima... l'impia ...na puitàta !

E-quannu scampa e-ll'aria è qqueta  
squasi  
se spunta u suli e a lucerta è nti na pethra  
piu-piu ri supr'â rrama  
na pàmmina ca gghira e ccari  
e acciùni nun fingi  
arma mia, ràpiti  
e tthراسي -e ddhimmillu - comu si fa...a nun gn'èssiri pueta?